

ПУДРАТ ШАРТНОМАСИ № 8

15 октябрь 2022 йил

Бағдоод шаҳарчаси.

Икки томонлама хўжалик муносабатларини ифодаловчи мазкур шартнома низом асосида фаолият юритувчи Ўзбекистон Республикаси қонунчилиги ҳамда ўз низомига асосан фаолият юритувчи Бағдоод туман тиббиёт бирлашмаси бошлиғи Ж.Шерғозиев (келгусида «Буюртмачи» деб аталади) биринчи томон ва иккинчи “PREMIUM-CONSTRUCTIONS-GROUP” MCHJ номидан раҳбар И.Мамажонов (кейинги ўринларда «Пудратчи» деб аталади) ўрталарида қуйидаги мақсадларда тузилди.

1. ШАРТНОМАНИ МАЗМУНИ:

1.1 «Пудратчи» ўз кучи, асбоблари, механизмлари билан «Буюртмачи»га қарашли Бағдоод тумани Тиббиёт бирлашмасига қарашли биноси шартномага илова қилинган 21.09.2022 йил қўнғи №61975 экспертиза ҳулосаси ва сметага мувофиқ жорий таъмирлаш ишларини амалдаги техник шартларга риоя қилган ҳолда бажариш мажбуриятини ўз зиммасига олади.

1.2 «Пудратчи» тегишли проект-смета ҳужжатларига мос ҳолда «Буюртмачи» томонидан жорий таъмирлаш ишларини келишилган вақтда бажариш ва уни камчиликларсиз тўлиқ тайёр ҳолда ўз муддатида «Буюртмачи»га топширишни ўз зиммасига олади.

1.3 «Пудратчи» иш бажариш вақтида жорий таъмирлаш ишлари учун кетадиган қурилиш материаллари ва ишчи кучини ўз ҳисобидан ўзи таъминлайди.

1.4 «Пудратчи» жорий таъмирлаш ишларини 20 иш кунини тамомлаш мажбуриятини олади. «Пудратчи» томонидан қилинган ишлар яқунлангандан кейин Ф-2, Ф-3 далолатномаларини «Буюртмачи» ўзининг мутахассислари билан биргаликда қабул қилиб олади.

2. ШАРТНОМАНИ БАҲОСИ

2.1 Шартноманинг умумий баҳоси 360.175.600 (Уч юз олтмиш миллион бир юз етмиш беш минг олти юз) сўмни ташкил қилади.

2.2 Шартнома баҳоси ў ичига КМИ материаллар баҳоси тафовутини олади.

3. ТУЛОВ ШАРТЛАРИ

3.1 Ушбу шартнома бўйича «Буюртмачи» томонидан «Пудратчи» ҳисоб рақамига олдиндан 30% аванс тўловини ўтказиб беради.

3.2 Тўлов шакли «Пудратчи» томонидан Ф-2, Ф-3 ҳужжатларини тасдиқлангандан сўнг солиштирма далолатномаси ва ҳисоб фактурага асосан «Буюртмачи» «Пудратчи»нинг ҳисоб рақамига тўғридан тўғри пул ўтказиб беради.

3.3 Шартнома бўйича охириги ҳисоб-китоб иш тўлиқ тамомлангандан сўнг 5 кундан кечиктирмай «Буюртмачи» томонидан амалга оширилади.

4. МАЖБУРИЯТЛАРНИ БАЖАРИШ МУДДАТЛАРИ

4.1 «Пудратчи» Ушбу шартномани 1-булимида назарда тутилган ишларни шартнома Ғазначилик бўлими рўйхатдан ўтказилгандан кундан 20 иш кунини муддатда бажаради. Яъни 13.10.2022 йилдан 05.11.2022 йилгача жорий таъмирлаш ишларини бажаради.

4.2 Ушбу шартнома 13.10.2022 йил 31.12.2022 йилгача тузилди. Шартнома икки томонлама имзоланиб, Ғазначилик (бўлими)да рўйхатдан ўтказилгандан сўнг ҳар иккиси ҳам қонуний кучга эга.

5. ТАРАФЛАРНИНГ МАЖБУРИЯТЛАРИ

5.1 «Пудратчи».

5.1.1 Ўз кучи техника воситаси билан календар иш режасида назарда тутилган барча ишларни тўла ҳажмда ва муддатда бажариши ва тегишли лойиха ҳужжатларидаги ҳолатда ишларни «Буюртмачи» га меърий ҳужжатлар талабига ва қоидалари асосида топшириш;

5.1.2 Обектга лойихага биноан бўлган материалларини конструкцияларини бутловчи ашёларни етказиб бериш ва уларни қабул қилиш тушириш тахлаш ҳамда сақлашни амалга ошириш;

5.1.3 Ушбу шартнома бўйича ишларни бажариш учун жалб қилинадиган махсус ташкилотлар билан субподряд шартномани тузгани тўғрисида «Буюртмачи» га ахборот бериш ва у томонидан ишларни бажарилиши юзасидан назоратни таъминлаш.

- 5.1.4 Техника хавфсизлиги, ёнгин хавфсизлиги ва объектни қурилиши бўйича зарурий чоратadbирларни бажарилишини таъминлаш;
- 5.1.5 Объект сугуртасини амалга ошириш ;
- 5.1.6 Жорий таъмирлаш ишларинида назорат органлари томонидан текширишда ортиқча қилинган харажатлар аниқланса бу харажатлар «Пудратчи» томонидан тўланади.
- 5.2 «Буюртмачи»
- 5.2.1 Календар иш режаси белгиланган хажмда ва муддатда хажмни топшириш;
- 5.2.2 У шартноманинг 1-бўлимида назарда тутилган ишлар шартномада белгиланган миқдорда ва муддатда «Пудратчи»га ҳақ тўлаш;
- 5.2.3 «Пудратчи» дан ёзма хабарнома олган санадан бошлаб 2 ҳафта ичида объектни қабул қилиш мажбуриятларини олади.

6. ТАРАФЛАРНИНГ ЖАВОБГАРЛИГИ

- 6.1 Тарафлар шартнома бўйича мажбуриятларни бажариш муддатларини бўлганлиги учун айбдор тараф бошқа тарафга кечиктирилган ҳар бир кун учун бажарилмаган ишлар баҳосининг 0,5 % хисобида пеня тўлайди, лекин шартноманинг 2,1 бандида кўрсатиб ўтилган суммасининг 50 % дан ошмаслиги керак.
- 6.2 Тарафлардан бири ушбу шартнома бўйича бошқа мажбуриятларни бажармаган ёки лойиха даражада бажармаган ҳолларда айбдор тараф бошқа тарафга бой берилган фойдани қўшиб қурган зарарни қоплайди.
- 6.3 Пеня тулаш тарафларни мажбуриятларини бажариш ёки бузилиш ҳукукий бартараф этишдан озод этмайди.

7. КОРРУПЦИЯГА ҚАРШИ ТАЛАБЛАР

7.1. Ушбу шартноманинг ҳар бир тарафлари бир-бирига нисбатан амалдаги коррупцияга қарши кураш талаблари, шу жумладан, бу билан чекланиб қолмасдан, барча амалдаги қонун ва қоидаларга оид шартларни ва талабларни тадбиқ этилишини ифодалайди ва қафолатлайди.

7.2. «Буюртмачи» «Пудратчи»га мазкур шартнома доирасида қуйидагиларни қафолатлайди ва қуйидаги мажбуриятларни ҳам ўз зиммасига олади: Шартноманинг амал қилиш муддати давомида у (шунингдек, унинг ходимлари, директорлари, агентлари ва бошқа вакиллари), Буюртмачи манфаатлари учун агент ёки вакил сифатида ҳаракат қилиб, «Пудратчи»нинг коррупцияга қарши амалдаги талабларига ва Ўзбекистон Республикасининг барча қонун ва қоидаларига қатъий риоя қилади.

8. ФОРС-МАЖОР ХОЛАТЛАРИ

- 8.1 Шартнома тузилгандан сўнг бартараф этилиши тоинларнинг тасири ва истакларига боғлиқ бўлмаган вақтинча ёки узоқ вақт шартномани зарур даражада амалга оширишга ҳалақит берадиган вазиятлар содир бўлганда (яъни табиий офатлар, ноқулай об-ҳаво шароити ҳукумат тадбирлари ҳокимият органлари қарорлари, ҳарбий низолар ички тартибсизликлар) ва бошқа ҳолларла юқорида айтиб ўтилган ҳолатлар мавжудлиги туфайли томонлар тарафида шартнома мажбуриятлари бузулган деб ҳисобланмайди ва шартнома мажбуриятларини бажариш муддатлари ушбу ҳолатлар давом этиш вақтига сурилади .
- 8.2 Шартнома мажбуриятларини бажариш имкониятига эга бўлмаган томон дарҳол иккинчи томонни юқоридаги ҳолатларнинг юзага келганлиги шунингдек бартараф этганлиги тўғрисида хабардор қилиши керак.
- 8.3 Бартараф этилиши мумкин бўлмаган вазиятлар содир бўлгани ёки улар бартараф этилгани ҳақида ўз вақтида (5 кун ичида) хабар бермаган томон кейинчалик шартнома шартлари бажарилмаган тақдирда бу вазиятларни сабаб қилиб кўрсата олмайди .

9. НИЗОЛАРНИ ХАЛ ҚИЛИШ ТАРТИБИ

- 9.1 Тарафлар ўртасида ушбу шартнома бўйича ёки у билан пайдо бўлган барча низолар ёки келишмовчиликлар тарафлар ўртасида музокара йўли билан хал қилинади.
- 9.2 Агарда келишувга эришилмаса қонунчиликда белгиланган тартибда «Пудратчи» жойлашган жойдаги иқтисодий суд томонидан хал қилинади.

10. ШАРТНОМАГА ҚЎШИМЧА ВА ЎЗГАРТИРИШЛАР ҚИРИТИШ ТАРТИБИ

- 10.1. Ушбу шартнома ҳар қандай қиритилдиган қўшимча ва ўзгартиришлар ёзма равишда расмийлаштириб ҳар икала томон имзолаган ҳоллардагина ҳақиқий кучга эга бўлади.

10.2. «Буюртмачи» куйидаги холларда шартномани бекор қилишга ҳақли:

10.2.1 «Пудратчи»нинг айби билан ишларни боришини сусткашлик билан муддати 10 кунга ошиб кетганда.

10.2.2 «Пудратчи»нинг шартнома шартларини бузиш натижасида лойихада кўрсатилган ишларни сифати пасайганда.

10.3. «Пудратчи» куйидаги холларда шартномани бекор қилишга ҳақли:

10.3.1 «Буюртмачи» томонидан «Пудратчи» га боғлиқ бўлмаган сабаблар бўйича жорий таъмирлаш ишларининг боришини 1 ойдан ошадиган муддатга тўхтатиб турганда:

10.3.2 «Буюртмачи» томонидан лойиха хужжатларини ўзгартиришлар киритиш билан боғлиқ холда ишларни бахоси 50% кунига камайганда.

10.3.3 «Буюртмачи» томонидан кейинчалик қурилиш, молиялаш имконияти йўқотилганда.

10.4. «Буюртмачи» «Пудратчи» нинг биргаликдаги қарори бўйича шартнома бекор қилинади. «Буюртмачи» эса «Пудратчи» га улар томонидан аниқланган бажарилган ишлар ҳажми қийматини тўлайди.

10.5. Шартнома бекор қилишга қарор қилган тараф бошқа тарафга ёзма хабарнома юборилади.

11. БОШҚА ШАРТЛАР

11.1. «Пудратчи» амалдаги тартиб ва қоидалар бўйича бажарилган ишлар сифатига 1 йил муддатга кафолат беради.

11.2. Хар иккала томон Ўзбекистон Республикаси қонунлари доирасида фаолият кўрсатадилар.

12. ТАРАФЛАРНИНГ ЮРИДИК МАНЗИЛЛАРИ ВА ТЎЛОВ РЕКВИЗИТЛАРИ

БУЮРТМАЧИ:

ПУДРАТЧИ

Бағдод тумани Гиббиёт бирлашмаси	«PREMIUM-CONSTRUCTIONS-GROUP» МЧЖ
Манзил: Бағдод шаҳарчаси Бирдамлик кўчаси	Бағдод тумани Янги Фарғона йўли кўчаси
Х/Р: 23402000300100001010	Телефон: : +99890-230-10-70
Банк: Марказий банк Тошкент ШББ	Х/р: 20208000200356032001
ОКОНХ: 91511	МФО 01087
ИНН: 200 158 873	Капитал банк Кукон филиали
ШХР: 400322860302097073101054004	ИНН 302982099
МФО: 00014 СТИР: 201122919	ОКОНХ 61110
Тел: 73-47-92-4-66	
Раҳбар в.б:  Ж.Шерғозиев	Раҳбар:  И.Мамажонов



**YURIDIK AHAMIYATGA EGA HUJJATLARNING QONUN NORMALARIGA
MUVOFIQLIGI TO'G'RISIDA
HUQUQIY XULOSA**

1. Loyihaning raqami:

2. Loyihaning turi: Shartnoma

3. Loyihaning nomi: Bag'dod tuman Tibbiyot birlashmasi va "PREMIUM-CONSTRUCTIONS-GROUP" MCHJ o'rtasida tuzilgan qurilish pudrati shartnomasi.

4. Loyihani tayyorlanganligi va yuklanganligi haqida ma'lumot: Bag'dod tuman Tibbiyot birlashmasi tomonidan ishlab chiqilib, 2022-yil 13-oktabr kuni dasturga kiritilgan.

5. Loyiha yuzasidan huquqiy xulosa: Hujjat loyihasi amaldagi O'zbekiston Respublikasi Fuqarolik kodeksining 666-moddasi talablariga asosan ishlab chiqilganligini inobatga olib uni qabul qilish maqsadga muvofiq.

**Bag'dod tuman YXK markazi
bosh yuriskonsulti**



A.A. Shokirov

ТАСДИҚЛАЙМАН
Бағдод тумани Тиббиёт
Бирлашмаси бошлиғи



Ж.Шергозиев

Бағдод шаҳарчаси

13 Октябр 2022 йил

Бағдод тумани Тиббиёт бирлашмаси томонидан 10.10.2022 йил кунги лот №22110012158281-билан Бағдод тумани Тиббиёт бирлашмасига қарашли бўлимларни жорий таъмирлаш ишлари хизмати бўйича давлат харидлари порталига қўйилган эълон якуни бўйича йнгилиш

БАЁНИ № 21

Қатнашдилар:

Ж.Шергозиев	- БТТБ бошлиғи, комиссия раиси
М.Сатилов	- Бошлиқ ўринбосари, комиссия аъзоси
Р.Хўжаев	- бош ҳисобчи, аъзо
Ж.Каримов	- Хўжалик мудир, аъзо
М.Мелибоев	- Инжинер, аъзо
И.Болтабоев	- Бош ҳисобчи ўринбосари, котиб

Энг яхши таклифни танлаш учун келиб тушган таклифлар:

1. "PREMIUM CONSTRUCTIONS GROUP" MCHJ
2. "MUCHAMMAD QURILISH INVEST" MCHJ

Йнгилишда, иштирокчилар томонидан келиб тушган таклифлар баҳолангандан сўнг 2 иш кун, мобайнида муҳокамада бўлган. Ушбу муддат ичида иштирокчи корхоналар томонидан ҳеч қандай эътирозлар келиб тушмади. Юқоридагиларни инобатта олиб комиссия

ҚАРОР ҚИЛАДИ:

1. Ўтказилган энг яхши таклифни танлашда энг юқори балл тўплаган голиб иштирокчи "PREMIUM CONSTRUCTIONS GROUP" MCHJ билан шартнома имзолансин ҳамда энг яхши таклифни танлаш натижалари ҳақидаги маълумотлар (йнгилиш баёни ва шартнома нусхаси) тегишли тартибда Давлат харидларини ўтказиш махсус ахборот порталига жойлаштирилсин.

Ушбу қарорни бажарилишини назорат қилиш комиссия раиси зиммасида қолдирилсин.

Комиссия аъзолари

Ж.Шергозиев

М.Сатилов

Р.Хўжаев

Ж.Каримов

М.Мелибоев

И.Болтабоев

Йнгилиш котиби: